



REPUBLIKA E SHQIPËRISË

AUTORITETI I KONKURENCËS  
KOMISIONI I KONKURENCËS

Nr. 509/prot.  
51

Tiranë, më 27.12.2022

VENDIM  
Nr. 944, Datë 27.12.2022

**“PËR MBYLLJEN E PROCEDURËS SË MONITORIMIT TË ZBATIMIT TË VENDIMIT NR. 828, DATË 02.09.2021 “PËR MBYLLJEN E PROCEDURËS SË HETIMIT TË THELLUAR NË TREGUN E IMPORTIT DHE TREGTIMIT ME SHUMICË TË MASKAVE, NË TREGUN E IMPORTIT, PRODHIMIT DHE TREGTIMIT ME SHUMICË TË ALKOOLEVE DHE GEL DEZINFEKTUES, NË TREGUN E IMPORTIT DHE TREGTIMIT ME SHUMICË TË TERMOMETRAVE DHE MIRATIMI I ANGAZHIMEVE SI TË DETYRUESHME NË FORMËN E KUSHTEVE DHE DETYRIMEVE PËR NDËRMARRJEN FARMA NET ALBANIA SHPK”**

Komisioni i Konkurrencës me pjesëmarrjen e:

Z.	Denar BIBA	Kryetar
Znj.	Leida MATJA	Zv/Kryetar
Znj.	Rezana KONOMI	Anëtar
Znj.	Adriana BERBERI	Anëtar
Z.	Durim KRAJA	Anëtar

Në mbledhjen e tij të datës 27.12.2022, shqyrtoi çështjen me:

**Objekt:** Mbyllja e procedurës së monitorimit të zbatimit të vendimit nr. 828, datë 02.09.2021 “Për mbylljen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel dezinfektues, në tregun e importit dhe tregtimit me shumicë të termometrave dhe miratimi i angazhimeve si të detyrueshme në formën e kushteve dhe detyrimeve për ndërmarrjen Farma Net Albania SHPK”.

**Bazë ligjore:** Neni 24, germa (d) dhe neni 26 të ligjit nr. 9121, datë 28.07.2003 “Për mbrojtjen e konkurrencës”.

**Komisioni i Konkurrencës** pas shqyrtimit të:

- Relacionit të Sekretarit të Përgjithshëm të Autoritetit të Konkurrencës;
- Raportit të monitorimit mbi zbatimin e vendimit nr. 828, datë 02.09.2021.

**VËREN SE:**

1. Komisioni i Konkurrencës në përfundim të procedurave të hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel dezinfektues, në tregun e importit dhe tregtimit me shumicë të termometrave, bazuar në nenin 24, shkronja (d), nenin 26, nenin 43, pika

- (5) dhe nenin 45, pika (2) të ligjit nr. 9121, datë 28.07.2003 “Për mbrojtjen e konkurrencës”, i ndryshuar dhe Rregulloren “Mbi procedurat e angazhimeve”, me vendimin nr. 828, datë 02.09.2021 “Për mbylljen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel Dezinfectues, në tregun e importit dhe tregtimit me shumicë të termometrave dhe miratimi i angazhimeve si të detyrueshme në formën e kushteve dhe detyrimeve për ndërmarrjen Farma Net Albania SHPK”, vendosi:
- I. Mbylljen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel Dezinfectues, në tregun e importit dhe tregtimit me shumicë të termometrave.
  - II. Miratimin e angazhimeve të depozituara nga ndërmarrja Farma Net Albania SHPK, si të detyrueshme në formën e kushteve dhe detyrimeve.
  - III. Ndërmarrja Farma Net Albania SHPK ka detyrimin ligjor të mos bëjë marrëveshje dhe/ose praktika të bashkërenduara, të cilat kanë si objekt ose pasojë pengimin, kufizimin ose shtrembërimin e konkurrencës në treg, veçanërisht:
    - a. të caktojnë, në mënyrë të drejtpërdrejtë ose të tërthortë, çmimet e blerjes ose të shitjes, apo çdo kusht tjetër tregtimi;
    - b. të kufizojnë ose kontrollojnë prodhimin, tregjet, zhvillimin teknik ose investimet;
    - c. të ndajnë tregjet ose burimet e furnizimit;
    - d. në marrëdhëniet tregtare me palët e tjera, zbatojnë kushte të ndryshme për transaksione të njëjta, duke i vendosur ato në gjendje të pafavorshme konkurrence;
    - e. të kushtëzojnë lidhjen e kontratave me pranimin nga palët e tjera kontraktuese të detyrimeve shtesë që, për nga natyra ose nga përdorimi i tyre tregtar, nuk kanë lidhje me objektin e këtyre kontratave.
  - IV. Në rast të mos përmbushjes së kushteve dhe detyrimeve të përcaktuara në dispozitivin e këtij vendimi, ndërmarrja Farma Net Albania SHPK në zbatim të nenit 76, pika 1, germa (a) të ligjit nr. 9121/2003 ndëshkohen me penalitetin përkatës.
  - V. Monitorimin e zbatimit të këtij vendimi për një periudhë 1 vjeçare për të gjitha angazhimet e marra nga ndërmarrja Farma Net Albania SHPK
2. AK në kuadër të monitorimit të zbatimit të kushteve dhe detyrimeve të VKK nr. 828, datë 02.09.2021, ka bashkëpunuar me ndërmarrjen Farma Net Albania SHPK duke administruar informacionin, si më poshtë vijon:
- AK me shkresën nr. 509 prot., datë 1.08.2022 “Kërkesë për informacion” dhe me shkresën nr. 509/12 prot., datë 31.08.2022 “Kërkesë për informacion” drejtuar ndërmarrjes Farma Net Albania SHPK ka kërkuar informacion mbi blerjet dhe shitjet analitike për produktet maska, xhel Dezinfectues, alkool dhe termometra infrared për periudhën 02 shtator 2021 – 31 korrik 2022.
  - Ndërmarrja Farma Net Albania SHPK me emailin e datës 12.8.2022 “kthim përgjigje – kërkesë për informacion nr. 509/1 datë 1.8.2022”, protokolluar pranë AK me nr. 509/25 prot., datë 06.09.2011 dhe me shkresën nr. 509/36 prot., datë 6.9.2022 ka informuar në lidhje me zbatimin kushteve dhe detyrimeve të përcaktuara ne VKK nr. 828/2021.

3. Nga administrimi dhe përpunimi i informacionit për ndërmarrjen Farma Net Albania SHPK, konstatohet se kjo ndërmarrje për periudhën e monitorimit ka treguar produktet maska, alkool, gel dezinfektues dhe termometër.

**i. Lidhur me analizën e tregut të importit dhe tregtimit me shumicë të maskave**

4. Produkti maska është një nga produktet e nevojshme për përballimin e situatës së krijuar nga epidemia e COVID-19, gjatë gjithë kohëzgjatjes së epidemisë. Referuar të dhënave teknike dhe cilësore të tyre, maskat janë ndarë në katër kategori: maskë respiratore me nivel mbrojtës FFP3, maskë respiratore me nivel mbrojtës FFP2 (N95), maskë kirurgjikale e thjeshtë dhe maskë prej pëlhere.
5. Për ndërmarrjen Farma Net Albania SHPK, për periudhën e monitorimit 2 shtator 2021 – 31 korrik 2022 janë analizuar maskat e këtyre kategorive: Maskë Kirurgjikale; Maskë KN95 me Valvul; Maskë KN95 pa Valvul; Maskë FFP2 pa Valvul dhe Maska për fëmijë.
6. Ndërmarrja Farma Net Albania SHPK, përgjatë periudhës së monitorimit 2 shtator 2021 – 31 korrik 2022 ka treguar produktet: Maskë Kirurgjikale në sasinë prej 145 010 copë; Maskë KN95 me Valvul të shitur me një sasi prej 228 899 copë; Maskë KN95 pa Valvul të shitur me një sasi prej 16 076 copë; Maskë FFP2 pa Valvul të shitur me një sasi prej 87 725 copë dhe nuk ka shitur asnjë Maskë për fëmijë.
7. Në fund të analizës për kategorinë e produktit Maskë është konstatuar se ndërmarrja Farma Net Albania SHPK ka aplikuar çmime mesatare të shitjes të ndryshme nga çmimet që kanë aplikuar ndërmarrjet e tjera përgjatë periudhës së monitorimit dhe për pasojë nuk ka shkelje në kuptim të nenit 4 të ligjit nr. 9121/2003.

**ii. Lidhur me analizën e tregut të importit, prodhimit dhe tregtimit me shumicë të alkooleve dhe gel dezinfektues**

**ii.1 Analiza e tregut të importit, prodhimit dhe tregtimit me shumicë të alkooleve**

8. Produkti alkool është një nga produktet e nevojshme për përballimin e situatës së krijuar nga epidemia COVID-19. Referuar të dhënave teknike, alkooli ndahet në disa lloje të cilat ndryshojnë nga njëra tjetra në bazë të gradës dhe sasisë në paketim.
9. Për të vlerësuar sjelljen e ndërmarrjes Farma Net Albania SHPK, grupi i punës i ka analizuar produktet të klasifikuar Alkool të ndara sipas tetë kategorive: (i) Alkoole 70% me paketim 1 litër ose më shumë; (ii) Alkoole 90% me paketim 1 litër ose më shumë; (iii) Alkoole 90% me paketim 100 - 250 mililitër ; (iv) Alkoole mbi 90% me paketim 1 litër; (v) Alkoole 70% me paketim 100 - 250 mililitër; (vi) Alkoole 70% me paketim 250 mililitër; (vii) Alkoole të ndryshme 70%-95% me paketim 1 litër; (viii) Alkoole 70% me paketim 750 mililitër.

10. Ndërmarrja Farma Net Albania SHPK, përgjatë periudhës së monitorimit 2 shtator 2021 – 31 korrik 2022 ka treguar produktet: ALKOOL ETILIK I CNATYRUAR 70 \_1L të shitur në një sasi prej 4 220 flakonë; ALKOOL ETILIK 90 100 ML Farma Net Albania SHPK të shitur në një sasi prej 2 233 flakonë; ALKOOL ETILIK 70 100 ML ka shitur në një sasi prej 2 727 flakonë, ALKOOL 70-95 1000 ML E PAJISUR ME TRIGGER ka shitur në një sasi prej 2 640 flakonë, Produkte alkooli në përmasa dhe përqendrime të tjera janë shitur nga ndërmarrja Farma Net Albania SHPK por asnjëra nuk tejkalon sasinë prej 2,000 flakonë, e si rrjedhojë nuk janë marrë në konsideratë.
11. Në fund të analizës për kategorinë e produktit Alkool është konstatuar se ndërmarrja Farma Net Albania SHPK ka aplikuar çmime mesatare të shitjes të ndryshme nga çmimet që kanë aplikuar ndërmarrjet e tjera përgjatë periudhës së monitorimit dhe për pasojë nuk ka shkelje në kuptim të nenit 4 të ligjit nr. 9121/2003.

## **ii.2 Analiza e tregut të importit, prodhimit dhe tregtimit me shumicë të gel Dezinftues**

12. Produkti gel Dezinftues është një nga produktet e nevojshme për përballimin e situatës së krijuar nga epidemia COVID-19. Referuar të dhënave teknike, produkti gel Dezinftues ndahet në disa lloje të cilat ndryshojnë nga njëra tjetra në bazë të sasisë së paketuar.
13. Për të vlerësuar sjelljen e ndërmarrjes Farma Net Albania SHPK, grupi i punës i ka analizuar produktet të klasifikuar Gel Dezinftues të ndara sipas kategorive: Gel Dezinftues 1L; Gel Dezinftues 100ml; Gel Dezinftues 80ml dhe Gel Dezinftues 500ml.
14. Ndërmarrja Farma Net Albania SHPK, përgjatë periudhës së monitorimit 2 shtator 2021 – 31 korrik 2022 ka treguar vetëm produktin Dezinftues Alkoolik Spray 100ml të shitur me një sasi prej 2 222 flakonë.
15. Në fund të analizës për kategorinë e produktit Gel Dezinftues është konstatuar se ndërmarrja Farma Net Albania SHPK ka aplikuar çmime mesatare të shitjes të ndryshme nga çmimet që kanë aplikuar ndërmarrjet e tjera përgjatë periudhës së monitorimit dhe për pasojë nuk ka shkelje në kuptim të nenit 4 të ligjit nr. 9121/2003.

## **iii. Lidhur me analizën e tregut të importit dhe tregtimit me shumicë të termometrave**

16. Produkti termometër infrared është një nga produktet e nevojshme për përballimin e situatës së krijuar nga epidemia e COVID-19, gjatë gjithë kohëzgjatjes së epidemisë.
17. Ndërmarrja Farma Net Albania SHPK përgjatë periudhës së monitorimit 2 shtator 2021 – 31 korrik 2022 ka tregtuar produktin termometër infrared me një total shitjesh prej 2 copë.

18. Në fund të analizës për kategorinë e produktit Termometër është konstatuar se ndërmarrja Farma Net Albania SHPK ka aplikuar çmime mesatare të shitjes të ndryshme nga çmimet që kanë aplikuar ndërmarrjet e tjera përgjatë periudhës së monitorimit dhe për pasojë nuk ka shkelje në kuptim të nenit 4 të ligjit nr. 9121/2003.
19. Në përfundim të vlerësimit së sjelljes së ndërmarrjes Farma Net Albania SHPK në tregun e importit dhe tregtimit me shumicë të maskave; në tregun e importit, prodhimit dhe tregtimit me shumicë të alkoolit; në tregun e importit, prodhimit dhe tregtimit me shumicë të gel dezinfektues dhe në tregun e importit dhe tregtimit me shumicë të termometër nuk konstatohet ekzistenca e një sjelljeje të bashkërenduar e cila bie në kundërshtim me nenin 3, pika 4, nenin 4, pika 1 e ligjit nr. 9121, datë 28.07.2003, “Për mbrojtjen e konkurrencës”.
20. Për sa më sipër, kushtet dhe detyrimet të dhëna në pikën III të dispozitivit të vendimit nr. 828, datë 02.09.2021, janë zbatuar nga ndërmarrja Farma Net Albania SHPK.

### PËR KËTO ARSYE:

Komisioni i Konkurrencës, bazuar në nenin 24, germa (d) dhe nenin 26 të ligjit nr. 9121, datë 28.07.2003 “Për mbrojtjen e konkurrencës”,

### VENDOSI:


- I. Mbylljen e procedurës së monitorimit në zbatim të vendimit nr. 828, datë 02.09.2021 “Për mbylljen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel Dezinfektues, në tregun e importit dhe tregtimit me shumicë të termometrave dhe miratimi i angazhimeve si të detyrueshme në formën e kushteve dhe detyrimeve për ndërmarrjen Farma Net Albania SHPK”.
- II. Ngarkohet Sekretari i Përgjithshëm për njoftimin dhe ndjekjen e zbatimit të këtij vendimi.


Ky vendim hyn në fuqi menjëherë.

### KOMISIONI I KONKURRENCËS

Leida MATJA  
  
Zv/Kryetar

Rezana KONOMI  
  
Anëtar

Adriana BERBERI  
  
Anëtar

Durim KRAJA  
  
Anëtar

Denar BIBA  
  
Kryetar